

Bilten

www.tuzilastvobih.gov.ba

Tužilaštvo-Tužiteljstvo Bosne i Hercegovine

Sarajevo • februar/veljača 2014. • broj 3



**Povijesni trilateralni sastanak
tužitelja iz BiH, Srbije i Hrvatske,
održan je u Sarajevu 16. 12. 2013. godine**



**Tužiteljstvo BiH u 2013. godini podiglo optužnice protiv 469 osoba,
što je najveći broj optuženih u jednoj godini u povijesti ove institucije**



Riječ glavnog tužioca

Poštovani,

Tužilaštvo BiH je postiglo značajne rezultate u 2013. godini. Podignute su optužnice u 202 predmeta protiv više od 469 osoba optuženih za različita krivična djela iz nadležnosti Tužilaštva BiH, od ratnih zločina, organiziranog kriminala, poreznih utaja, neovlaštenog prometa opojnim drogama, krijumčarenja ljudi, pa do krivičnih djela iz oblasti krivotvorenja novca, autorskih prava, krijumčarenja robe, kao i za druga djela propisana Krivičnim zakonom Bosne i Hercegovine.

Ovaj posao nije bio nimalo lagan i zahtijevao je veliki rad, trud, požrtvovanost i angažman svih uposlenika Tužilaštva BiH, tužilaca, saradnika, savjetnika, istražilaca, kao i ostalog administrativnog osoblja.

Osim toga, 2013. godina je značajna zbog povećanja broja tužilaca u Tužilaštvu BiH kako bi se mogao ubrzati rad na svim predmetima, a naročito na predmetima ratnih zločina.

Tužilaštvo BiH sada ima 50 tužilaca i postalo je najbrojnije tužilaštvo u Bosni i Hercegovini. Uskoro nas očekuje imenovanje 5 dodatnih tužilaca, čiji angažman će biti omogućen putem IPA fondova. Ovim pojačanjima kapaciteta, kao i planiranim prelaskom u zasebnu zgradu sa adekvatnim kapacitetima za smještaj svih uposlenika Tužilaštva BiH, moći će se ostvariti značajniji rezultati u budućnosti.

U 2013. godini smo pokrenuli značajne aktivnosti na ubrzanju procesa ekshumacija u svim krajevima Bosne i Hercegovine. Tužilaštvo BiH je zatražilo, a Predsjedniš-



tvo BiH odobrilo angažman mehanizacije Oružanih snaga naše zemlje za pomoć u radovima na ekshumacijama.

Na ovaj način će biti omogućen koristan angažman kvalitetne mehanizacije koji će značajno uštediti budžetska sredstva Bosne i Hercegovine.

Najavili smo odlučnu borbu protiv organizovanog kriminala, korupcije, terorizma i finansijskog kriminala. Prvostepene presude u predmetima Zijad Turković i dr., Haris Čaušević i dr., kao i optužnica u predmetu Mladen Kekerović i drugi, koje spadaju među najznačajnije događaje u pravosudnoj historiji Bosne i Hercegovine u poslijeratnom periodu, kao i najznačajnije pravosudne vijesti u protekloj godini, pokazuju da smo na dobrom putu.

Na tom putu nastavljamo dalje, u borbi za procesuiranje i kažnjavanje organizovanog kriminala, korupcije, ratnih zločina i terorizma, kao i u borbi za oduzimanje nezakonito stečene imovinske koristi

zbog koje je budžet naše zemlje oštećen za višemilionske iznose.

U ovoj borbi nam je potrebna podrška građana Bosne i Hercegovine, institucija vlasti, porodica žrtava ratnih zločina, međunarodne zajednice kao i nevladinog sektora, kako bi naši rezultati bili što bolji te kako bismo i dalje intenzivno radili na uspostavi vladavine prava i zakonita i stvarali što sigurnije okruženje za život svih građana naše zemlje na evropskom putu.

S poštovanjem,

Goran Salihović
Glavni tužilac Tužilaštva BiH

Капацитети Тужилаштва БиХ су значајно ојачани пријемом 13 новоименованих тужилаца који су почели радити 01. 12. 2013. године



У Тужилаштву БиХ је 01. 12. 2013. године, након полагања свечане заклетве, почело радити 13 новоименованих тужилаца.

Овим именовањима су значајно ојачани капацитети Тужилаштва БиХ, а новоименовани тужиоци ће бити ангажовани у Посебном одјелу за ратне злочине, како би се убрзао рад на предметима ратних злочина.

Новоименовани тужиоци су из свих крајева наше земље, свих су

националности и врхунски су правни стручњаци. Међу њима има младих колега које ће сигурно донијети нову енергију Тужилаштву БиХ, као и правника са джим искуством које ће свакако бити корисно у раду на сложеним предметима.

Јачањем капацитета Тужилаштва БиХ оствариће се значајнији и бољи резултати у предметима ратних злочина, који су један од приоритета у раду Тужилаштва БиХ,

усмјереном на владавину права и доношење правде жртвама те стварање безбједнијег окружења за живот свих грађана Босне и Херцеговине.

Новоименовани тужиоци су положили свечану заклетву 29. 11. 2013. године у Високом судском и тужилачком савјету, чиме су званично ступили на дужност.

Приликом овог свечаног чина предсједник ВСТС-а Милорад Новковић се кратко обратио новоименованим тужиоцима и упознао их са тужилачким дужностима, одговорностима и обавезама те им зажелио срећу у будућем раду. ■

	Одјел I ратни злочин		Одјел II ПООК		Одјел III Општи		Укупно	
	Предмет	Лице	Предмет	Лице	Предмет	Лице	Предмет	Лице
2003.	-	*	-	*	-	*	-	* 120
2004.	1	1	5	17	164	289	170	307
2005.	7	17	31	50	175	248	213	315
2006.	21	31	60	147	148	196	229	374
2007.	20	32	82	149	122	144	224	325
2008.	23	30	24	76	123	173	170	279
2009.	19	33	28	89	203	275	250	397
2010.	29	45	32	134	194	246	255	425
2011.	28	43	32	134	192	252	252	429
2012.	24	42	47	188	117	141	188	371
2013.	26	49	56	254	120	166	202	469
Укупно	198	323	397	1238	1558	2130	2153	3811

* Евиденција у ТБиХ у 2003. години се није водила по броју предмета него само по броју лица





Trilateralni sastanak Sarajevo – Zagreb – Beograd, skupa u borbi za kažnjavanje ratnih zločina

U Sarajevu je održan prvi trilateralni sastanak glavnih tužitelja BiH, Srbije i Hrvatske u okviru protokola o suradnji u procesuiranju ratnih zločina.

Dogovorene su konkretne aktivnosti i suradnja u više predmeta.

U zgradi Izaslanstva EU u Sarajevu je održan trilateralni sastanak glavnih tužitelja Gorana Salihovića, Mladena Bajića i Vladimira Vukčevića sa suradnicima, na kojem se razgovaralo o konkretno realiziranoj suradnji između tužiteljstava,

na temelju potpisanih protokola o suradnji u kaznenom procesuiranju počinitelja ratnih zločina, zločina protiv čovječnosti i genocida.

Ovo je prvi sastanak nakon potpisivanja protokola, na kojem sudjeluju predstavnici sva tri tužiteljstva, što je pozitivan pomak u jačanju suradnje.

Na početku sastanka nazočne su pozdravili i predstavnici Pravnog odjela specijalnog predstavnika EU u BiH, koji su podržali suradnju između tužiteljstava u regiji, radi

potpore uspostavi vladavine prava i jačanja procesa mira i pomirenja u zemljama regije.

Na sastanku je razgovarano o do sada realiziranoj suradnji u većem broju konkretnih predmeta, kao i modalitetima suradnje u budućnosti kako bi se maksimalno ubrzalo kazneno procesuiranje počinitelja ratnih zločina.

Glavni tužitelji su istakli da nastavljaju sa suradnjom kako bi se onemogućilo skrivanje osumnjičenih i optuženih osoba iza državljanstva druge države, te da će se suradnja intenzivirati.

Zaključak sastanka je da će biti imenovani časnici za vezu koji će u tehničkom vidu poboljšati i unaprijediti komunikaciju između tužiteljstava.

Jačanje suradnje između tužiteljstava je pozitivan pomak podržan i zaključcima strukturiranog dijaloga o reformi pravosuđa, a suradnju je pozitivno ocijenjenila Europska unija kao veliki korak u procesu uspostave vladavine prava u regiji u procesu približavanja europskim integracijama. ■





Glavni tužilac održao kolegij za sve uposlenike Tužilaštva BiH dana 30. 12. 2013. godine

Tokom kolegija, glavni tužilac se osvrnuo na ostvarene rezultate u 2013. godini, plan povećanja rada i aktivnosti u 2014. godini te svim uposlenicima uputio čestitke povodom nastupajuće nove godine. ■



Glavni tužilac sudjelovao na međunarodnoj konferenciji o procesuiranju ratnih zločina i naslijeđu međunarodnih krivičnih sudova za ratne zločine u svijetu



Glavni tužilac TBiH Goran Salihović je u Nirnbergu održao zapaženo izlaganje i bio moderator panela na kojem se govorilo o procesuiranju predmeta ratnih zločina u BiH, naslijeđu Haškog suda, radu Rezidualnog mehanizma MKSJ-a, kao i važnosti arhivskih materijala MKSJ-a i međunarodnih krivičnih sudova u procesuiranju predmeta ratnih zločina.

U svom izlaganju je istakao važnost saradnje tužilaštava u regiji u borbi protiv nekažnjivosti ratnih zločina, kao i važnost korištenja naslijeđa međunarodnih krivičnih sudova koji su u prošlosti sudili za ratne zločine.

Tokom diskusije je istaknuta dobra regionalna saradnja tužilaštava iz BiH, Srbije i Hrvatske, te je zaključeno da se budućnost procesuiranja predmeta ratnih zločina u velikoj mjeri mora oslanjati na jaku regionalnu saradnju.

Na konferenciji je također zapaženo izlaganje imao Vladimir Vukčević, glavni tužilac Tužilaštva za ratne zločine Srbije. Glavni tužilac Salihović je podržao izlaganje glavnog tužioca Vukčevića, u kojem je on istaknuo važnost regionalne saradnje u procesuiranju predmeta ratnih zločina, a što je u svom Izvještaju, kao pozitivan pomak, navela i Evropska komisija.



■ Sastanak zvaničnika pravosudnih institucija BiH sa predstavnicima Vijeća Evrope u vezi s provođenjem odluke „Maktouf-Damjanović“ Evropskog suda za ljudska prava u Strazburu 12. 12. 2013. godine

Posebna simbolika ove međunarodne konferencije je da je održana u Nirnbergu, u Palati pravde, odnosno na mjestu gdje su se odvijala suđenja za ratne zločine protiv optuženih nacističkih čelnika nakon završetka 2. svjetskog rata, gdje se donosila pravda za milione žrtava nacističkog režima.

U sudnici broj 600 su vođeni predmeti protiv Hermana Geringa, osuđenog na smrtu zajedno sa 11 visokih nacističkih zvaničnika, kojima je suđeno 1946. godine. Na ovoj međunarodnoj konferenciji sudjelovali su tužioci međunarodnih krivičnih sudova koji djeluju širom svijeta.

Na konferenciji su, između ostalih, prisustvovali:

- **Hassan Boubacar Jallow**, tužilac Međunarodnog krivičnog tribunala za Ruandu i tužilac Rezidualnog mehanizma MKSJ-a,
- **Serge Brammertz**, tužilac Tužilaštva pri MKSJ-u,
- **David M. Crane**, bivši tužilac Specijalnog suda za Sijera Leone,
- **William Smith**, zamjenik tužioca Specijalnih vijeća Suda u Kambodži,
- **Vladimir Vukčević**, glavni tužilac Tužilaštva za ratne zločine Srbije i
- **Goran Salihović**, glavni tužilac Tužilaštva BiH. ■





Одржано годишње стручно савјетовање Тужилаштва БиХ

Централне теме савјетовања односиле су се на борбу против организованог криминала, психологију суднице те примјену материјалног права у свјетлу одлуке „Мактоуф-Дамјановић“.

Годишње стручно савјетовање за тужиоце и стручно особље Тужилаштва БиХ одржано је 05. и 06. децембра 2013. године на Јахорини. На савјетовању је било присутно око 70 учесника, тужилаца, стручних сарадника, стручних савјетника и истражилаца Тужилаштва БиХ, који су имали прилику пратити презентације, учествовати у раду радних група те

размјењивати професионална искуства о важним питањима из области правосуђа и кривичног процесуирања.

На почетку савјетовања, својим колегама се обратио главни тужилац Тужилаштва БиХ Горан Салиховић, који је презентовао анализу рада Тужилаштва БиХ у протеклој години, те планове и активности на подизању оптужница до краја године, као и план рада, односно појачање динамике и побољшање рада који ће за резултат имати већи број оптужница у 2014. години.

Присутни су учествовали у пре-

зентацијама и стручним радионицама о техникама процесуирања предмета организованог криминала, те разговарали о психологији суднице и начину презентовања доказног материјала.

Током савјетовања одржане су презентације и дискусије о примјени материјалног права у свјетлу одлуке Европског суда за људска права у предмету „Мактоуф-Дамјановић“, те актуелној проблематици везаној та ову област.

Стручно савјетовање је битна активност ради размјене искустава и стручног усавршавања особља Тужилаштва БиХ.

На савјетовању је учествовало и 13 новоименованих тужилаца Тужилаштва БиХ који су почели са радом почетком децембра 2013. године, а на савјетовању су имали прилику упознати своје колеге из Тужилаштва БиХ те размијенити искуства везана за област тужилачког рада.

Савјетовање је такође корисно за побољшање тимског рада Тужилаштва БиХ.

Годишње стручно савјетовање Тужилаштва БиХ је одржано уз подршку Развојног програма Уједињених нација (UNDP) у Босни и Херцеговини. ■



Predmet protiv Zijada Turkovića i dr. velika pobjeda pravosuđa Bosne i Hercegovine u najznačajnijem predmetu borbe protiv organiziranog kriminala u postdejtonskoj Bosni i Hercegovini



Tim koji pobjeđuje

Koncem studenog 2013. godine, nakon 2 i pol godine suđenja i više od tri godine nakon otkrivanja i uhićenja osumnjičenih, Sud BiH je izrekao prvostupanjsku presudu u predmetu protiv Zijada Turkovića i još 5 osoba koje su prvostupanjskom presudom osuđene na ukupno 100 godina zatvora.

Ova kazna je najveća ikad izrečena kazna u bh. pravosuđu u predmetima organiziranog kriminala.

U ovom broju biltena odlučili smo predstaviti tim koji je godinama marljivo radio na prikupljanju dokaza, pripremi i podizanju optužnice te vođenju dokaznog postupka u ovom predmetu.

Bitno je istaći da veliki rezultati ne dolaze olako niti slučajno.

Presuda u ovom predmetu je rezultat više tisuća radnih sati koje su proveli tužitelji, istražitelji, stručni savjetnici i stručni suradnici, kao i daktilografi, vozači te drugo osoblje koje je dalo svoj doprinos radeći na poslovima i zadacima vezanim za dokazni postupak i podizanje optužnice u ovako složenim i opsežnim predmetima.

Stručna javnost i građani trebaju znati da je u ovom predmetu tijekom istrage ispitano i saslušano oko 250 osoba. Tužitelji, istražitelji i stručno osoblje su više od 20 puta izlazili na teren, na nepristupačna

mjesta i lokalitete u šumama gdje su bila zakopana tijela žrtava ubojstava koja su počinili članovi ove zločinačke organizacije.

Također, vršeni su uviđaji i istražne radnje u objektima gdje su žrtve ubijene, zatim su praćeni i nadgledani procesi DNK analiza i utvrđivanja identiteta žrtava, koordinirane su aktivnosti policije te stručna vještačenja pronađenih čahura i ostalih materijala na mjestima ubojstava.

Budući da je djelovanje ove zločinačke organizacije izlazilo van granica naše zemlje, ostvarena je značajna suradnja sa pravosuđem i policijom, kako zemalja u regiji, tako i prekookeanskih zemalja.

Realizirana je suradnja sa institucijama u Boliviji, kako bi se dobili DNK uzorci za identifikaciju jedne od žrtava ubojstava.

Tužitelji i stručno osoblje koje im je pomagalo u ovom predmetu, proveli su više tisuća radnih sati u prikupljanju i sortiranju dokaza, ispitivanju svjedoka i osumnjičenih osoba i prikupljanju materijala za stručna vještačenja. Često su zbog hitnosti morali raditi noću i u dane vikenda, konstantno su bili u kontaktu sa policijskim djelatnicima policijskih agencija koje su sa Tužiteljstvom BiH radile u ovom predmetu.

Tužiteljstvo BiH nastavlja dalje u borbi za uspostavu vladavine prava i stvaranje sigurnijeg okruženja za život svih građana Bosne i Hercegovine. ■



■ Lokalitet na kojem su pronađeni posmrtni ostaci žrtava ubojstava u predmetu Turković



■ Odvođenje optuženih u predmetu Turković i dr. nakon izricanja prvostupanjske presude

Glavni tužilac posjetio mjesta ekshumacija

Glavni tužilac posjetio mjesta ekshumacija na lokacijama Tomašica (Prijedor) i Buća Potok (Sarajevo)

Glavni tužilac Tužilaštva BiH Goran Salihović posjetio je lokaciju Tomašica kod Prijedora, gdje se odvija proces ekshumacije više stotina žrtava sa područja Prijedora i okoline.

Glavni tužilac je također posjetio i lokaciju deponije u Buća Potoku, kao i četiri okolne lokacije u blizini deponije na kojima se vrše pretrage, a za koje postoje saznanja da bi se na tim mjestima mogli nalaziti posmrtni ostaci žrtava srpske nacionalnosti sa područja Sarajeva.

Tužilaštvo BiH, zajedno sa svim institucijama koje su uključene u proces ekshumacija, nastavlja intenzivne aktivnosti kako bi se proces pronalaska i identifikacije nestalih osoba ubrzao.

Glavni tužilac je istakao potrebu jačanja kapaciteta za rad na predmetima ratnih zločina, kao i potrebu jačanja kapaciteta u ljudstvu i materijalnim sredstvima za proces ekshumacije i identifikacije nestalih osoba, što je u skladu sa zaključcima strukturalnog dijaloga o reformi pravosuđa.



Tužilac Salihović je istakao da je jačanje kapaciteta Tužilaštva potrebno i zbog odluke u predmetu Maktouf i Damjanović i da će biti neophodno angažovanje dodatnih 12 tužilaca radi ostvarivanja potrebne dinamike u procesuiranju svih predmeta.

Ovaj proces je važan i zbog porodica žrtava koje već dvije decenije tragaju za svojim najmilijima. ■



■ Ovlaštene službene osobe Tužilaštva BiH su u 2013. godini realizirale 114 naredbi za ekshumacije pri čemu su u protekloj godini proveli 278 dana na terenu



Monsinor Franjo Komarica, banjalučki biskup, posjetio je Tužiteljstvo BiH i sastao se sa glavnim tužiteljem

Glavni tužitelj Tužiteljstva BiH Goran Salihović razgovarao je sa banjalučkim biskupom, monsinjorom Franjom Komaricom, a teme sastanka su se odnosile na rad Tužiteljstva BiH na predmetima ratnih zločina, u svrhu jačanja vladavine prava, suživota i pomirenja u BiH.

Gospodin Salihović je upoznao biskupa Komaricu sa naporima koje Tužiteljstvo poduzima u cilju što učinkovitijeg rješavanja i procesuiranja

predmeta ratnih zločina na cijelom području BiH, što je jedan od prioriteta Tužiteljstva BiH.

Biskup Komarica se interesirao za određene predmete ratnih zločina koji se odnose na stradanje žrtava hrvatske nacionalnosti na području banjalučke regije, Kotor Varoši i Posavine, a koji značajno utječu na povratak prijeratnog stanovništva, održavanje mira, pomirenje i suživot na području cijele BiH.

Interesirao se još i za mogućnost ubrzanja ekshumacije i ukopa katoličkog sveštenika i vjernika ubijenih na lokalitetu Trubar tijekom 2. svjetskog rata, procesuiranje kaznenog djela ratnog zločina iz 1995. godine - ubojstva prijedorskog sveštenika Tomislava Matanovića koje do danas nije rasvijetljeno, kao i za rasvijetljavanje ubojstva sveštenika Ivana Grčića 1992. godine.

Glavni tužitelj je biskupa Komaricu upoznao sa naporima Tužiteljstva BiH u svezi sa procesuiranjem predmeta ratnog zločina u Briševu kod Prijedora. Rekao je da će Tužiteljstvo uložiti maksimalne napore kako bi se svi zločini rasvijetlili, a odgovorni počinitelji procesuirali, bez obzira koje su nacionalnosti počinitelji i žrtve ratnog zločina, te da je to čvrsto opredjeljenje Tužiteljstva.

Na sastanku je zaključeno da svi dijelovi bosanskohercegovačkog društva, uključujući pravosudne institucije i vjerske zajednice, trebaju raditi na jačanju povjerenja i vladavine prava u BiH. ■



Главни тужилац се састао са представницима општинске Организације породица заробљених и погинулих бораца и несталих цивила РС из Фоче

Главни тужилац Туžилаштва БиХ Горан Салиховић, заједно са руководиоцима из Посебног одјела за ратне злочине, састао се са представницима породица заробљених и погинулих бораца и несталих цивила РС, са подручја Фоче и околине.

Будући да сарадњу са жртвама ратних злочина сматра једним од приоритета у дјеловању Туžилаштва БиХ, главни тужилац је желио из прве руке, од породица жртава, чути каква су њихова очекивања од Туžилаштва БиХ и рада Посебног одјела за ратне злочине.

Главни тужилац је представницима породица жртава саопштио да Туžилаштво БиХ у наредном периоду наставља још интензивније активности у процесуирању предмета ратних злочина.

„Ускоро се очекује именовање нових тужилаца у Туžилаштво БиХ, који ће радити на предметима ратних злочина. Сматрамо да ћемо овим појачањем у људским ресурсима, као и преласком у засебну зграду са довољним капацитетима за смјештај свих запослених, свакако повећати резултате у процесуирању предмета ратних злочина“ – рекао је главни тужилац Салиховић.



Такође, главни тужилац је истакао да ће се у наредној години проводити бројне активности на експертским и проналаску посмртних остатака несталих лица, што је врло битан сегмент рада на предметима ратних злочина.

На састанку је главни тужилац упознао представнике жртава да се сарадња између БиХ, Хрватске и Србије, на основу протокола о сарадњи реализује врло добро, као и да заједнички напори правосуђа у региону показују резултате све

ефикаснијим процесуирањем предмета ратних злочина, јер се осумњичени више немају гдје сакрити.

На одржаном састанку су представници жртава имали прилику питати званичнике Посебног одјела за ратне злочине информације о конкретним предметима који су у раду у Туžилаштво БиХ. Представници жртава из Фоче су се интересовали за предмет који се односи на страдање жртава српске националности у фочанским селима Јабука и Јошаница.

Представници породица жртава су главном тужиоцу уручили одређен доказни материјал који се односи на ратне злочине на том подручју.

Делегацију породица жртава из Фоче су представљале госпође Дана Муминовић, Душанка Лаловић, као и господи Милан Кулић, Милан Николић и Горан Мастоило.

Главни тужилац је истакао да ће сарадња са жртвама бити приоритет у раду Туžилаштва БиХ, као и да ће се реализовати сарадња са жртвама ратних злочина свих националности из свих крајева Босне и Херцеговине. ■



Glavni tužilac se sastao i razgovarao sa predstavnicima udruženja žrtava ratnih zločina iz Srednje Bosne i doline Neretve



Glavni tužilac Tužilaštva BiH Goran Salihović, zajedno sa rukovodiocima iz Posebnog odjela za ratne zločine, sastao se sa predstavnicima udruženja koja okupljaju predstavnike logoraša i porodice žrtava hrvatske nacionalnosti sa područja Srednje Bosne i HNK.

Budući da saradnju sa žrtvama ratnih zločina smatra jednim od prioriteta u djelovanju Tužilaštva BiH, glavni tužilac je htio čuti iz prve ruke, od porodica žrtava, kakva su njihova očekivanja od Tužilaštva BiH i rada Posebnog odjela za ratne zločine.

Glavni tužilac je saopštio predstavnicima udruženja žrtava da Tužilaštvo BiH u narednom periodu nastav-

lja još intenzivnije aktivnosti u procesuiranju predmeta ratnih zločina.

„Uskoro se očekuje imenovanje novih tužilaca u Tužilaštvo BiH koji će raditi na predmetima ratnih zločina. Smatramo da ćemo ovim pojačanjem u ljudskim resursima, kao i prelaskom u zasebnu zgradu sa dovoljnim kapacitetima za smještaj svih uposlenika, svakako povećati rezultate u procesuiranju predmeta ratnih zločina“ - rekao je glavni tužilac Salihović.

Također, glavni tužilac je istakao da će se u narednoj godini provoditi brojne aktivnosti na ekshumacijama i pronalasku posmrtnih ostataka nestalih osoba, što je vrlo bitan seg-

ment rada na predmetima ratnih zločina.

Glavni tužilac je predstavnike žrtava na sastanku informirao da se saradnja između BiH, Hrvatske i Srbije, na osnovu protokola o saradnji, realizira vrlo dobro te da zajednički naponi pravosuđa u regionu rezultiraju sve efikasnijim procesuiranjem predmeta ratnih zločina, jer se osumnjičeni više nemaju gdje sakriti.

Na održanom sastanku predstavnici žrtava su imali priliku dobiti informacije od zvaničnika Posebnog odjela za ratne zločine o konkretnim predmetima koji su u radu u Tužilaštvo BiH. Predstavnici žrtava iz Srednje Bosne najviše su se интересовali za predmete koji se odnose na stradanje žrtava hrvatske nacionalnosti u više gradova na području Srednje Bosne, kao i dolini rijeke Neretve.

Predstavnici udruženja žrtava su predali Tužilaštvo BiH određenu dokumentaciju o ratnim zločinima.

Delegaciju predstavnika žrtava sačinjavala su gospoda: Mirko Zelenika, Anđelko Kvesić, Miro Zelić, Zdenko Šupurković i Karlo Marić.

Glavni tužilac je istakao da će saradnja sa žrtvama biti prioritet u radu Tužilaštva BiH, te da će se realizirati saradnja sa žrtvama ratnih zločina svih nacionalnosti iz svih krajeva Bosne i Hercegovine. ■



Izjava Ureda visokog predstavnika, Izaslanstva Europske unije/specijalnog predstavnika EU u BiH i Veleposlanstva Sjedinjenih Američkih Država u BiH

Snažna potpora međunarodne zajednice pravosudnim institucijama BiH



Ured visokog predstavnika, Izaslanstvo Europske unije/specijalni predstavnik EU i Veleposlanstvo Sjedinjenih Američkih Država u Bosni i Hercegovini izražavaju snažnu potporu državnim pravosudnim institucijama u BiH.

U tom pogledu, osuđujemo pokušaje da se izvrši politički pritisak i neprimjeren utjecaj na ove institucije, kao što je to učinila Narodna skupština Republike Srpske 29. listopada 2013. godine. Narodna skupština Republike Srpske je dužna poštivati i čuvati neovisnost pravosuđa, koje mora biti u mogućnosti funkcionirati bez ikakvog pritiska, bilo zakonodavnih ili izvršnih tijela.

Jurisdikcija Europskog suda je pitanje koje se tiče

mnogih zemalja i odluke Europskog suda za ljudska prava trebaju se shvatiti kao sredstvo za unaprjeđenje sustava za zaštitu ljudskih prava i temeljnih sloboda u određenoj zemlji, a ne da se koriste za ugrožavanje neovisnosti pravosuđa.

Naglašavamo da sposoban, neovisan i nepristrasan pravosudni sustav predstavlja temeljnu garanciju za vladavinu prava, demokraciju i poštivanje ljudskih prava.

Pozivamo sve strane da pruže potporu državnim institucijama BiH i vladavini prava u interesu građana Bosne i Hercegovine. Sve strane trebaju raditi na jačanju pravosudnih institucija, a ne na njihovom ugrožavanju. ■





ОС БиХ помажу Тужилаштву БиХ у ексхумацијама на локацијама Томашица и депонија Бућа Поток

Тужилаштво БиХ захваљује Предсједништву БиХ на разумијевању и хитном дјеловању

Тужилаштво БиХ је интензивирало активности те обезбиједило појачање у техничким и људским капацитетима на ексхумацијама које се врше на локацијама Томашица код Приједора и депонија у сарајевском насељу Бућа Поток.

Предсједништво БиХ је донијело одлуку о ангажовању механизације ОС БиХ ради убрзања ексхумација. Тужилаштво БиХ им се овим путем захваљује на разумијевању и помоћи у овом врло битном сегменту свога рада, који је изузетно важан за породице жртава ратних злочина.

Наведена механизација којом располажу ОС БиХ ће значајно убрзати радове на ексхумацијама.

Тужилаштво БиХ ће, на основу одлуке Предсједништва БиХ о ангажману ОС БиХ, тежити да потпише протокол о сарадњи и ангажовању Оружаних снага и у другим предметима ексхумација, што ће сигурно допринијети бржем и ефикаснијем тражењу несталих лица.

На овај начин ће се остварити рационалније кориштење средстава,

те ће значајна средства остати у буџету БиХ.

Употреба савремене механизације којом располажу ОС БиХ сигурно ће доста убрзати технички процес ексхумација, а што је нарочито у интересу породица жртава.

На локацији Томашица је планирано ангажовање додатног великог багера, камиона и агрегата, а на локацији Бућа Поток у плану је да се постојећој, сада ангажованој механизацији, дода још један бегер и велики камион потребан за одношење великих количина земље.

На локацији Томашица ће ускоро бити ангажован и рендген који ће омогућити бржи преглед тијела ради проналажења остатака пушчаних зрна и металних предмета којима су усмрћене жртве ратних злочина, а који се користе као докази у предметима ратних злочина.

На локацији Бућа Поток до сада је ископана земља до дубине од око 27 метара, а радови се интензивно настављају према дубини од 30-35 метара, на којој би се, према прикупљеним сазнањима, могли

налазити посмртни остаци жртава српске националности са подручја Сарајева.

На локацији Бућа Поток раде се ископавања на још 4 додатне локације за које, према сателитским снимцима, постоји вјероватноћа да би се ту такође могла налазити тијела жртава.

Још једном се захваљујемо ОС БиХ на разумијевању, хитном дјеловању и хитној сједници која је одржана поводом захтјева Тужилаштва БиХ.

Тужилаштво БиХ, заједно са свим институцијама које су укључене у процес ексхумација, наставља интензивне активности на проналаску и идентификацији жртава ратних злочина, што је један од приоритета у раду Тужилаштва БиХ, а што је као позитиван помак препознала и Европска комисија у свом извјештају. ■



Centralne teme sastanka odnosile su se na realizaciju saradnje u okviru Memoranduma o profesionalnim osnovama za saradnju u otkrivanju, prijavljivanju i krivičnom gonjenju počinilaca krivičnih djela, potpisano u februaru 2011. godine.

U proteklom periodu je ostvarena značajna saradnja Tužilaštva BiH i policijskih organa u Federaciji BiH, koja je u svim krajevima BiH rezultirala otkrivanjem i krivičnim procesuiranjem počinilaca krivičnih djela iz oblasti organiziranog kriminala, neovlaštenog prometa opojnim drogama, zloupotrebe službenog položaja ili ovlasti, procesuiranjem članova auto-mafije, kao i drugih krivičnih djela.

Policijski službenici policijskih institucija iz FBiH su također sudjelovali u mnogim združenim policijskim akcijama u predmetima Tužilaštva BiH, kada su koordinirano djelovale policijske agencije na nivou entiteta i države, u okviru istraga u obimnim predmetima organiziranog i međunarodnog kriminala.

Na sastanku je, između ostalog, razgovarano i o ugrožavanju sigurnosne situacije nedavnim prekidom izdržavanja kazne osobama kojima je krivica za ratne zločine pravosnažno dokazana, što se vrlo negativno odrazilo na sigurnost svih građana u BiH, a naročito na sigurnost porodica žrtava i povratničke populacije.

Tokom sastanka je dogovoren nastavak intenzivne saradnje između policijskih institucija Federacije BiH i Tužilaštva Bosne i Hercegovine u svim predmetima iz zajedničke nadležnosti, te intenzivan rad na jačanju sigurnosne situacije u Bosni i Hercegovini i uspostavi vladavine prava.

Na sastanku su, osim glavnog tužioca, direktora Federalne uprave policije i 10 komesara policije iz kantona u FBiH, sudjelovali i predstavnici OHR-a, EUSR-a i projekta ICITAP u okviru Ministarstva pravde SAD-a. ■



U Tužiteljstvu BiH je održan sastanak Udarne grupe za borbu protiv trgovine ljudima. Dogovoreno intenziviranje aktivnosti na podizanju optužnica za ova kaznena djela

U Tužiteljstvu BiH je održan sastanak Udarne grupe za borbu protiv trgovine ljudima i organizirane ilegalne migracije, na kojem je sudjelovao Goran Salihović, glavni tužitelj Tužiteljstva BiH.

Na sastanku je razgovarano o intenziviranju aktivnosti koje bi u narednom razdoblju trebale rezultirati podizanjem više optužnica za ova kaznena djela kako bi se ubrzala dinamika borbe protiv trgovine ljudima, te otkrivanje i procesuiranje osoba koje čine ova kaznena djela.

Borba protiv ilegalnih migracija i trgovine ljudima izuzetno je bitan segment u procesu približavanja naše zemlje europskim integracijama.

Na sastanku u Tužiteljstvu BiH su analizirana izvješća o obavljenim operativnim aktivnostima u predmetima u kojima su angažirani članovi Udarne grupe.



U okviru Udarne grupe za borbu protiv trgovine ljudima i organizirane ilegalne migracije sudjeluju predstavnici policijskih i tužiteljskih institucija sa razine države, entiteta i Brčko distrikta BiH, koji na zajedničkim sastancima dogo-

varaju detaljne aktivnosti i pravce djelovanja u okviru borbe protiv trgovine ljudima, te otkrivanja počinitelja ovih kaznenih djela, kao i prikupljanja dokaza za njihovo učinkovito sudsko procesuiranje. ■



Представници Тужилаштва БиХ одржали презентацију студентима Правног факултета из Зенице

Група од око 50 студената треће године студија Правног факултета у Зеници посјетила је зграду Комплекса правосудних институција БиХ, гдје су им презентације о раду ових институција одржали представници Тужилаштва БиХ и Суда БиХ.

Студенти су се жељели упознати са детаљима везаним за настанак Тужилаштва Босне и Херцеговине, развојем ове институције, као и процесуирањем предмета из надлежности Тужилаштва БиХ.

Са студентима су се састали представници Тужилаштва БиХ, тужилац Мирза Хукелјић и руководилац Одјела за односе с јавношћу Борис Грубешић, који су им говорили о историји, организацији, надлежностима, као и унутрашњој организацији Тужилаштва БиХ.

Студентима је приказана презентација којом су обухваћени различити периоди од самог почетка и настанка Тужилаштва БиХ, затим развој институције у протеклих 10 година, као и подаци о унутрашњој организацији



институције, одјелима у Тужилаштву БиХ те занимљиви детаљи о раду ове институције. У презентацији је представљена и сарадња Тужилаштва БиХ са агенцијама за провођење закона, полицијским агенцијама и другим институцијама у Босни и Херцеговини.

Будући да се ради о студентима права који своју каријеру намјеравају наставити у правосудним институцијама наше земље, ту-

жилац Хукелјић је говорио о изазовима тужилачког посла, специфичностима рада у правосудној институцији те свакодневном раду у тужилаштву, радним обавезама и задацима.

Тужилаштво БиХ од свог оснивања развија добре односе са невладиним организацијама и образовним институцијама у нашој земљи, ради приближавања рада Тужилаштва БиХ грађанима и јавности. ■



■ Посјета студената из земаља региона Тужилаштву БиХ у оквиру пројеката који се односе на транзицијску правду

Predstavljamo Službu za analitiku

U Posebnom odjelu za ratne zločine Tužilaštva Bosne i Hercegovine rade i analitičari (stručni savjetnik i viši stručni saradnici) koji imaju specifičnu ulogu u pružanju podrške tužiocima u radu na predmetima ratnih zločina. Analitika i istraživanje su zamišljeni prema modelu velikih odjela za ratne zločine u SAD-u i Kanadi, kao i u Haškom tribunalu (MKSJ) i Međunarodnom krivičnom sudu (MKS), te je ovo prva jedinica te vrste u bh. pravosudnim institucijama.

Analitičari, na zahtjev tužilaca, vrše istraživanje i analizu, prevashodno materijalne dokumentacije u vezi sa počinjenim ratnim zločinima, odnosno analizu vojnih, policijskih i civilnih struktura te osoba za koje se sumnja da su počinio ili saučesnici u vršenju krivičnih djela ratnih zločina.

Analitičko istraživanje podrazumijeva pretragu dostupnih baza podataka, presuda, arhiva, institucija i agencija, biblioteka, medijskih i drugih izvora te izjava svjedoka, kako bi se utvrdile činjenice o osobama i događajima iz ratnog perioda i ujedno odgovorilo na zahtjeve tužilaca.

Nakon toga, slijedi analiza dostupne i relevantne materijalne dokumentacije s ciljem što potpunijeg utvrđivanja činjenica u formi analitičkog izvještaja sačinjenog na osnovu pronađenih dokaza.

Zahtjevi za izradu analitičkih izvještaja se najčešće odnose na profilne informacije o osumnjičenim osobama, specifičnu vojnu ili civilnu strukturu u određenom vremenskom periodu, početak sukoba na predmetnom teritoriju i hronologiju događaja, saznanja u vezi specifičnih ratnih zločina (npr. logori, masovno ubistvo, itd.), te izradu detaljne i opsežne analize, koja uključuje kombinaciju gore navedenog. Na osnovu analitičkog izvještaja i izdvojenih dokumenata,



tužiocu se dostavljaju krucijalne informacije o predmetu u smislu dokaza, utvrđenih činjenica, podataka o osumnjičenima te identifikacije potencijalnih svjedoka i žrtava.

Analiza i istraživanje rezultiraju izradom kraćih i/ili opsežnih analitičkih izvještaja o dostavljenim predmetima, uz koje se nerijetko dostavljaju prijedlozi potencijalnih osumnjičenih lica i/ili dodatnih svjedoka do kojih se dođe na osnovu raspoložive dokumentacije, zatim se predlaže uvid u arhivsku dokumentaciju s ciljem pronalaženja dodatne materijalne dokumentacije, kao i prijedlozi daljih istražnih radnji.

Na zahtjev tužilaca, analitičari vrše i pretraživanje državnih, vojnih i drugih relevantnih arhiva, zbirki

dokumenata u dokumentacionim centrima i centrima za istraživanje. Oni pripremaju pitanja za saslušanje svjedoka te izvršavaju i druge zadatke u vezi sa predmetima ratnih zločina. Analitičari su uključeni u sve faze rada na predmetima ratnih zločina, tako što vrše pretraživanje dokumenata i tužiocu pružaju odgovore na pitanja koja se mogu pojaviti u bilo kojem trenutku istrage ili čak pretresa.

Posao analitičara je veoma interesantan, ali i složen. To je posao koji zahtijeva široko znanje iz različitih oblasti, detaljno poznavanje događaja iz ratnog perioda, vojnih, policijskih i civilnih struktura vlasti te maksimalnu profesionalnost, nepristrasnost i povjerljivost. ■

Intervju glavnog tužioca Tužilaštva/Tužiteljstva BiH Gorana Salihovića,

Naš cilj je poboljšanje rezultata i ja

Novinarka BHT1: Gospodine Salihoviću, drago nam je što svoj prvi duži televizijski intervju, nakon gotovo 11 mjeseci od stupanja na dužnost glavnog tužioca Tužilaštva BiH, dajete upravo za BHT1.

Goran Salihović: Hvala, radujem se ovom intervjuu.

Novinarka BHT1: Šta mislite o pojmu ili terminu koji se već udomaćio u našoj javnosti „sanaderizacija“ BiH?

Goran Salihović: Mislim da je došlo vrijeme da uveliko moramo razmišljati o tome, da vidimo koliko ta korupcija zahvata sve pore ovog društva. Kada sam došao na ovo mjesto očekivao sam priče da su predmeti u nekim „ladicama“ o korupciji, da možda neko ne smije da radi te predmete?! Međutim, sada odgovorno pred kamerama tvrdim da nisam zatekao ništa, ni jedan predmet tipa „Sanadera“. Međutim, mi smo za ovih 11 mjeseci počeli da pravimo određene predmete i mislim da će biti nekih rezultata. Mogu da napomenem da smo faktički u ovoj godini priveli kraju predmet „Kekerović“, koji je jedan dio tog predmeta „sanaderizacije“, gdje su optužnicom obuhvaćena 23 pravna lica i 23 fizička lica. To je najveća optužnica u privrednom kriminalu BiH i faktički u istoriji Tužiteljstva BiH. Takođe, bilo je još određenih predmeta koje možemo podvesti pod ovaj dio.

Novinarka BHT1: Dakle, imamo li osnova da u 2014. imamo bar jedan predmet „Sanader“?

Goran Salihović: Možemo ga tako nazvati jer se tim predmetom ne okončava istraga, nego taj predmet daje mogućnost da idemo prema vrhu i prema međunarodnim faktorima. Rade se i određene pripreme i istrage u svim oblastima, vidjet ćemo... Najsvježiji pri-



mjer je ovaj od neki dan, gdje smo vidjeli korupciju na licu mjesta. Tužilaštvo je u saradnji sa OSA-om, koja je u ovom predmetu izuzetno pomogla sa svojom opremom, i uz asistencije SIPA-e po nalogu Tužiteljstva, odobrenju Suda, u roku od dva dana, faktički na licu mjesta, na djelu uhvatilo koruptivne radnje. Znači to je jedan najbolji primjer i iz tog predmeta se može ići dalje, prema nekom vrhu, i vidjet ćemo šta ćemo dobiti.

Novinarka BHT1: Dijelite li utisak da se predizborna kampanja vodi pojavljivanjem u javnosti određenih informacija o predistražnim radnjama, istragama, najavama optužnica, hapšenjima. Politički protivnici, čini se, prijete jedni drugima agencijama za provođenje zakona, tužilaštvima, sudovima. Koliko to može biti loše po imidž ovih institucija o kojima govorimo?

Goran Salihović: Svaka predizborna kampanja je ista i oni se služe tim metodima. Što se tiče pritiska na rad Tužiteljstva ili Suda, oni su kontinuirani, nekad popuste, nekad budu jači, ali u principu

mi smo se već navikli na to. Bilo bi dobro da nema takvih pritisaka, da možemo da radimo komotno svoj posao. Vrlo je nezgodno kad dobijate pritisak u tom smislu da se zakonom izmijeni, da vam se ukine samostalnost na neki način, da vas neko bira, da vam se zamrzne plata... To su pritisci na koje jednostavno niko ne može biti imun. Tako da mi tu moramo crpiti energiju, moramo iznijeti argumente za svoju neovisnost pošto političari vrlo teško prihvataju da postoji još jedan stub vlasti, koji je potpuno ravnopravan, koji je potpuno isti kao njihov, a to je pravosuđe. Znači, moramo imati ta tri stuba koja su potpuno ista.

Novinarka BHT1: Mislite li da građani imaju više osnova da vjeruju u Tužilaštvo BiH od kada ste vi na njegovom čelu?

Goran Salihović: Ne bih rekao da više vjeruju zato što sam ja na čelu. Ja u principu želim da što brže idemo prema Evropi, prema evropskim integracijama. U segmentu pravosuđa mi možemo ići prema evropskim integracijama pošto je

emitovanog na BHT1 02. 01. 2014. godine

čanje kapaciteta Tužilaštva BiH



pravosuđe već uvelo evropske standarde, i u tom segmentu, ja ponovo podvlačim, mi ćemo raditi sve ono što nam se prijavi. Tako da ovom prilikom pozivam građane da budu slobodni da krenemo u to skupa.

Novinarka BHT1: Rezultati govore?

Goran Salihović: Mnogo je problema, ne možete vi baš ono što i vidite reći da su kriminal i korupcija dok se to na sudu ne dokaže, dok se to presudom i odlukom suda ne utvrdi. Mi ne možemo biti zadovoljni, to je veliki i dugotrajan put.

Novinarka BHT1: Slučaj „Budimir“, budite iskreni, koliko je medijski spektakl, ako to možemo tako nazvati, jer su mediji izveštavali o gotovo svim detaljima tog slučaja. Koliko su odmgli samoj sudbini predmeta?

Goran Salihović: Pa vidite, moguće je da su odmgli, pomogli... Međutim, tu imamo jednu drugu stvar. Imamo uplitanje Ustavnog suda u meritumu, Ustavnog suda BiH. Ustavni sud i ta vrsta sudova, kao Sud u Strazburu, oni odlučuju

samo o povredama, a ne o onome kako ćete vi osuditi. E sad, mi smo poštovali, ja poštujem, tu nema dileme, to je najviši sud u mojoj državi i ja ću uvijek poštovati odluke tog suda i bilo kojeg suda. Mi predmet nismo izgubili. Sud se oglosio nenadležnim, djelo je ostalo i spušta se dole. Imamo mi raznih predmeta koji su spušteni na entitete, znači, u skorijoj istoriji, predmet „Dodika“, predmet „Zlatka Lagumdžije“, predmet „Čovića“, i ja imam povjerenje u entitetska tužilaštva i entitetske sudove, tako da će i ovaj predmet ići dole.

Novinarka BHT1: Otvara se pitanje odgovornosti tužilaca ili se ne otvara?

Goran Salihović: Ne znam zbog čega bi se otvarala pitanja?

Novinarka BHT1: Pa evo, kod slučaja „Budimir“?!

Goran Salihović: Predmet je dobijen u tom smislu što ide na nadležnost drugog tužilaštva. Zakon je vrlo jasan, znate, mi možemo da radimo predmet i kad utvrdimo da smo nadležni, ako nam to sud po-

tvrdi, mi ćemo raditi. Isto tako, ne vidim razloga da mi ne uradimo predmet i da ga zatim damo u bilo koje tužilaštvo da se taj predmet privede kraju tamo. Znači, tu nema dileme, u našoj nadležnosti je da možemo da radimo na takav način.

Novinarka BHT1: Lično ste veoma zatvoreni prema medijima, bili ste, i ja to na neki način shvatam jer živimo i radimo u zemlji kakva jeste. No, mislite li da nije bolje biti transparentniji, jer se u suprotnom nekad dešava da mediji i putem vaših tužilaca dobiju mnogobrojne informacije ili poluinformacije, možda i „ispod žita“, pa se otvori prostor za špekulacije?

Goran Salihović: Vidite, kao predsjednik suda bio sam dosta u medijima i ja uopšte nemam problem s medijima. Ja sam otvoren, nemam šta da krijem. Međutim, ovaj posao je malo drugačiji i ovdje baš ne bi bilo dobro da sam toliko u medijima kao što sam bio dok sam bio predsjednik suda. Što se tiče curenja informacija, mislim da su te informacije svedene na minimum. Mislim da bilo koji tužilac traži dopuštenje od glavnog tužioca za istup u javnosti. Mi imamo svog portparola, koji je izuzetno dobar, to je Boris Grubešić koji je stalno u medijima. Možda je nekima i dosadilo da vijesti započinju vijestima iz Tužilaštva ili Suda BiH, a ja sam taj koji ne bi trebao da se često pojavljujem u medijima. Mislim da je to od mene dovoljno.

Novinarka BHT1: Možete li garantovati da je svaki tužilac, uslovno rečeno, pod vašom upravljačkom palicom, nezavisan od bilo kakvog političkog uticaja i uticaja nekih interesnih privrednih lobija? Ako vas ovo pitam, onda se podrazumijeva da ste vi nezavisni.

Goran Salihović: Mi smo se

nekih 10 godina borili za ovaj sistem. Ova reforma je nešto najbolje što je urađeno u Bosni i Hercegovini. Otišli smo daleko što se tiče evropskih standarda. Znači, izbor, način finansiranja, plate, neovisnost u radu..., mislim da su moji tužioci, kao što su bile moje sudije, potpuno neovisni. Međutim, vi možete imati potpunu neovisnost, da vam ja sve dam, znači, da vam država da sve, dobru platu, dobre uslove, sve, sve, ali ako se u glavi ne osjećate neovisno, tu nema lijeka. Mislim da su profesionalci i da možemo računati na njih.

Novinarka BHT1: Postoje li tužioci u Tužilaštvu BiH protiv kojih se vode predistražne ili istražne radnje na nižim tužilaštvima?

Goran Salihović: Ja nemam neka posebna saznanja, ali je moguće.

Novinarka BHT1: Oleg Čavka?

Goran Salihović: Da, to je dole u Kantonu Sarajevo. Mislim da taj predmet tužilac jednostavno treba što prije da završi i da donese konačnu odluku. Ja vjerujem u tog tužioca, mislim da je to dobar tužilac i stojim iza tog tužioca, kao i iza svakog tužioca.

Novinarka BHT1: A šta je uopšte potrebno da tužilac bude na neko vrijeme suspendovan, ako se utvrdi da je potrebno?

Goran Salihović: Mora se voditi disciplinski postupak kod disciplinskog tužioca koji je potpuno neovisan od Visokog sudskog i tužilačkog vijeća i od nas, i ako utvrdi povredu, onda se donosi odluka na koju tužilac ima pravo žalbe komisiji, a komisija donosi konačnu odluku.

Novinarka BHT1: Da li bi danas uopšte postojalo Tužilaštvo BiH bez snažne podrške međunarodne zajednice pravosudnim institucijama? Pitam vas zbog toga što se, u godinama iza nas, otvoreno pozivalo na ukidanje državnog Suda i Tužilaštva.

Goran Salihović: Postojalo bi,

ali je veoma teško opstati ako su svi protiv vas. Mogu da vam kažem, i mogu da budem zadovoljan da je moje ministarsko vijeće, znači moja vlada, da su pojedini ministri imali razumijevanja prema ovom Tužilaštvu, tako da smo dobili povećanje, odnosno dobili smo novac za 13 tužilaca koji će raditi na predmetima ratnih zločina. Takođe smo dobili novac za ekshumacije, tako da je to bio jedan veliki signal za međunarodnu zajednicu da u IPA fondovima predviđa određena sredstva da nas pojača. Mora postojati politička volja da se pomogne institucije pravosuđa, da se pomogne finansijski i u bilo kojem smislu ih treba podržati. To je nji-



hovo tužilaštvo. Mi branimo pod jedan žrtve, pod dva državu, pod tri sistem, znači, mi smo ti koji jednostavno želimo da pomognemo ovoj državi da ide ka evropskim integracijama i u korist građana Bosne i Hercegovine.

Novinarka BHT1: Molim vas, kako reagujete kada vidite ili čujete izjavu žrtve ili porodice žrtava koja je uvjerena u ono što govori, a govori da Tužilaštvo BiH procesuirá samo Srbe?

Goran Salihović: Vjerujte, teško mi je, kao čovjeku mi je teško. Ja nisam nacionalno opterećen, ja volim ljude, građane svoje države.

Ovo je moja država i veoma mi je teško kada mi to kažu bilo koje žrtve. Čovjeku bude toliko žao, sažalite se sa žrtvama. Vidite, ja dajem za pravo žrtvama, ja sam tek došao, znači tu sam nekih deset i po mjeseci, a ovo Tužilaštvo postoji 10 godina. Dajem za pravo žrtvama da mi bilo šta kažu, bilo šta, i mogu mi reći bilo koje žrtve, a ja nemam pravo da se ljutim, ali pokušavam ovo da pokrenem. Mi otprilike imamo i neke rezultate u tom dijelu i mislim da će biti balansa, mada ne trebamo gledati tako. U principu, za mene su sve žrtve iste i svi ratni zločinci isti.

Novinarka BHT1: Jeste li vi

onda u tom kontekstu zadovoljni odvijanjem aktivnosti na ekshumaciji na sarajevskoj deponiji? Ministar inostranih poslova Zlatko Lagumdžija je rekao da su se vlasti Srbije diplomatskim putem interesovale za to.

Goran Salihović: Nisam zadovoljan zato što nismo ništa našli. Veliki je novac potrošen, pokušalo se tu malo izmanipulisati, čak „izreketirati“ Tužilaštvo, ali...

Novinarka BHT1: Možete li reći ko je to pokušavao?

Goran Salihović: Pa, uz određene medijske pritiske, i preko određenih struktura. Tu je nađena

kost jednog Bošnjaka ubijenog 1994. godine na Sokocu, što je potvrđeno DNK analizom. Znači, sad će se postaviti pitanje otkud ta kost na deponiji? Međutim, pored toga tražio sam da se rade dodatna četiri satelitska snimka lokacije udaljene nekih kilometar i po od te deponije. Došli smo i do dubine od oko 30 metara i upozorili su nas da se sve može obrušiti, znači da neko može poginuti, ali nisam dao da se proces prekine. Tražio sam da dva inženjera izvrše dodatna geološka ispitivanja, da vidimo hoćemo li kopati još ta dva-tri metra. U principu, tražit ćemo, ne samo to, nego bilo šta. Posjetio sam obje grobnice, Buća Potok i Tomašicu i mislim da sam iznašao solomonsko, a ujedno i najbolje rješenje, tako što sam tražio od Predsjedništva, koje je jednoglasno, promptno reagovalo, i donijelo odluku da se na ovim lokacijama uključe Oružane snage Bosne i Hercegovine. To sam proširio na način da pokušamo sa vojском napraviti sporazum, opet u Predsjedništvu, koji se odnosi na čitavu teritoriju BiH. Mislim da možemo angažovati oružane snage, one su zajedničke, one su naše oružane snage, a novac će ostati u budžetu.

Novinarka BHT1: Dakle, poručujete žrtvama da čekaju?

Goran Salihović: Poručujem da, što se tiče nas, mi nismo pod bilo čijim uticajem, mi tražimo...

Novinarka BHT1: Šta mislite o procesuiranju Ilije Jurišića u Beogradu?

Goran Salihović: Ne znam šta bih sad ja mogao da kažem o tom predmetu. Taj predmet je po žalbi nastavljen u Beogradu. Mi smo skoro, putem protokola, dobili kompletan predmet, osim Ilije Jurišića. Znači, taj dio se nije mogao ustupiti nama. Ovo smo dobili kompletno. Od MUP-a RS-a smo dobili dopunu prigovora i mislim da ćemo taj predmet, po prigovoru, raditi kroz protokol. Postupajući tužilac je rekao da nema ništa, ali

mi ćemo uzeti sve što smo dobili iz Beograda i po prigovoru, pa ćemo vidjeti šta ćemo.

Novinarka BHT1: Vjeruju li vama kolege iz Srbije i Hrvatske u onoj mjeri u kojoj vi vjerujete njima i obratno, kada je u pitanju regionalna saradnja u procesuiranju tih ratnih zločina?

Goran Salihović: Ja mislim da je to najbolji vid saradnje. Nas trojica smo stvarno postali, ne samo partneri, nego i prijatelji. To bukvalno funkcioniše na jednom prijateljskom osnovu, što je veoma bitno za pomirenje u regiji, za žrtve, za vlast, za sve. Predmeti se dobro rade, brzo se rade i ja sam ubijeđen u uspjeh ovog sporazuma. Vijeće ministara je neki dan dostavilo jednu odluku u kojoj nas podržava da potpišemo sporazum i sa Crnom Gorom, pa ćemo tako i postupiti.

Novinarka BHT1: Imate li informaciju koliko je ukupno aktivnih predmeta ratnih zločina u BiH, koji čekaju na presuđivanje?

Goran Salihović: Mi pokušavamo da uključimo sve elemente koji su potrebni da pokušamo završiti određeni broj predmeta. Vidimo da je Haag pri kraju, znači, možda neke dvije - tri godine.

Novinarka BHT1: Upravo vas pitam zbog neke projekcije vremenskog okvira.

Goran Salihović: Na osnovu potpisanih protokola jedan dio predmeta dajemo Srbiji i Hrvatskoj, jer su lica koja se ne nalaze na teritoriji BiH nedostupna bh. pravosuđu. Strategija BiH o ratnim zločinima nalaže da se jedan dio predmeta prebaci na entitete. Podržavamo taj program, međutim, određeni broj predmeta stoji dole, ne radi se i čak se ponovo vrata. Vjerujem da će 13 novih tužilaca koje smo dobili i 5 tužilaca iz IPA fondova, ubrzati procesuiranje predmeta ratnih zločina. Svaki tužilac će morati podići tri optužnice za ratni zločin, znači 30 tužilaca

puta 3 optužnice. Nadam se da će u idućoj godini to ići daleko brže i bolje. Međutim, skoro sam bio u Nirnbргу na nekom predavanju sa gospodinom Vukčevićem. Kada sam tamo došao vjerovao sam da mi odmah moramno završiti sve predmete, a onda sam u stvari shvatio da su oni i dan danas u potrazi za ratnim zločincima, budući da ratni zločini ne zastarijevaju. To je strašno mukotrpan i veoma težak posao, ali mi to moramo uraditi radi povjerenja koje nam iskazuju žrtve. To neće uraditi niko, zapamtite, to ne može uraditi niko osim nas. Zato se ovo Tužilaštvo mora pojačati, mora se dati podrška Sudu i Tužilaštvu.

Novinarka BHT1: Podiže li državno Tužilaštvo i dalje optužnice po Krivičnom zakonu BiH iz 2003. godine ukoliko postoje osnovi za podizanje i po Krivičnom zakonu SFRJ, ili je možda obaveza suda da vas na neki način...?

Goran Salihović: To je slobodno uvjerenje tužilaca i sudija, tako da u tom dijelu mislim da postupamo u skladu sa zakonom.

Novinarka BHT1: Malo ste govorili o političkim pritiscima. Jeste li imali onih koji su možda u jednom trenutku bili neizdrživi?

Goran Salihović: Nije bilo direktnog političkog pritiska. Niko nije vršio pritisak na mene, ni obični kriminalac, ni ratni zločinac, ni političar, znači niko. Ja tu ne mogu griješiti. Politički pritisci su bili na sistem, znači bili su na sistem kroz sistem. To je bilo kroz ovaj set zakona jer bi neko želio da poklopi Sud i Tužilaštvo i da na izvjestan način dobije odluke onakve kakve mu odgovaraju. To je vrlo težak pritisak. Bilo je i finansijskog pritiska, ne direktno, ali indirektno kroz donošenje Zakona o platama, gdje sudije i tužioce pokušavaju izjednačiti sa radnicima, iako se reforma i sastoji u tome da tužioci i sudije imaju određeni benefit.

Novinarka BHT1: A na nekom

određenom predmetu i u konkretnom slučaju?

Goran Salihović: Na predmetu nije, nema teorije!

Novinarka BHT1: S kim bolje sarađujete, sa predsjednikom Suda BiH Meddžidom Kreso ili sa Goranom Zupcem?

Goran Salihović: Personalno, ja mogu da sarađujem bilo s kim, a što se tiče poslovne saradnje, posao ne trpi i mi izuzetno dobro sarađujemo. Ja nemam primjedbe na bilo koju agenciju, nemam primjedbu ni na Sud. Možda se nekad ljutim za neke pritvore, za neke odluke Suda, ali ih poštujem. Ne mora sve biti onako kako mi zamislimo, treba i drugu stranu saslušati.

Novinarka BHT1: U kojem se predmetu pominje, ako se pominje ime Gorana Zupca?

Goran Salihović: Ne znam, ja sa Goranom nemam nikakav problem. Što se mene tiče i što se tiče službe, to što je on tu prijavu napisao...

Novinarka BHT1: Dobro, bilo je tu prijava i...?

Goran Salihović: ...to je njegovo pravo. Ja sam rekao, tome ne bih pridavao puno značaja, vjerujte to za mene ne predstavlja nikakvu...

Novinarka BHT1: U to vrijeme ste prilično oštro reagovali na vašoj video izjavi.

Goran Salihović: Ja sam samo jednom reagovao, i mislim da je to dovoljno.

Novinarka BHT1: Dakle, spominje li se onda njegovo ime ili se ne spominje?

Goran Salihović: U čemu?

Novinarka BHT1: U jednom od predmeta, ako ih uopšte ima.

Goran Salihović: Njegovo ime, mislite u predmetima?

Novinarka BHT1: Da, da, da.

Goran Salihović: Pa dobro, ima

nekih prijava i protiv njega, ali to je sve u nekoj fazi predistrage, koja je ista za njega kao i za sve ostale građane, tako da tome ne treba pridavati nikakav značaj. Sve dok se nešto ne dokaže, za mene je on čist, kao i drugi ljudi, tako da ni tome ne pridajem značaj.

Novinarka BHT1: Da li je tačno da je dao nalog istražiocima da vas prate, jeste li čuli?

Goran Salihović: Ja ne znam, stvarno ne znam i mislim da bi to bilo prekoračenje ovlaštenja, ako bi bilo tačno, ali to vjerujte nije bitno.



Novinarka BHT1: Za akcije „Lutka“ i „Boss“, a posebno „Lutka“ se kaže da su najveće i da će imati dalekosežne posljedice, pa čak i po neke „krupne ribe“. Međutim, danas imamo situaciju da su gotovo svi, ili recimo neki od uhapšenih, na slobodi. Suđenje čekaju na slobodi, a od najave neke „Lutke 2“ ili „3“, kako se moglo čuti, čini se nema ništa ili imamo neke druge podatke?

Goran Salihović: Vidite, to je odluka suda da se oni puste iz pritvora. Znači, mi tu odluku poštujemo, a šta će biti, o tome ne možemo pričati.

Novinarka BHT1: Najave koje su bile sredinom godine su prilično...

Goran Salihović: Sada ne možemo pričati o konkretnom predmetu.

Novinarka BHT1: Ako je tačno da je potpredsjednik Federacije Mirsad Kebo vama predao određenu dokumentaciju vezanu za nekoliko različitih slučajeva, da li je

bilo još političara ili zvaničnika koji su vam donosili neku dokumentaciju ili vas kontaktirali na takav način?

Goran Salihović: Možda nisu na takav način, ali recimo Željko Komšić je podnio krivičnu prijavu kao i svaki drugi građanin. Za mene u suštini, kad se pogleda bilo koja prijava, pa i takva prijava, ako ima neki veliki značaj, mi onda tome pridajemo važnost, ako nema, to je kao i svaka druga prijava.

Novinarka BHT1: Gospodine Salihoviću, je li krivično djelo odati informacije iz predistražnih i istražnih radnji? Pošto znam da ćete odgovoriti potvrdno, zašto Tužilaštvo BiH ne postupa po službenoj dužnosti kada se takvo nešto desi pred televizijskim kamerama ili u medijima?

Goran Salihović: Ja ne znam za konkretne slučajeve i ne bih govorio o konkretnim slučajevima, ali to je sve do određenog tužilaštva. Sad smo pričali o lepezi poslova koje tužilaštvo radi. Morate procijeniti kapacitete, morate procijeniti šta vam je bitno a šta nebitno u tom momentu.

Novinarka BHT1: Da li je moja kalkulacija tačna ili ćete vi, odnosno Tužilaštvo BiH, za potrebe istrage zbog neprovođenja presude Evropskog suda za ljudska prava u slučaju „Sejdić – Finci“, morati saslušati oko sedamdesetak osoba? Ako u to svrstamo članove Predsjedništva, Savjet ministara, oba doma državnog Parlamenta, nekako zvuči nemoguće da će se sve to stići. Možda se čak presuda provede prije ili je plan drugačiji?

Goran Salihović: Vidite, to zavisi od postupajućeg tužioca. Tu je postupajući tužilac Oleg Čavka i on ima plan i dinamiku. Da bude jasno šta se želilo sa ovim predmetom, nas ne interesuje vaninstitucionalno. To što političari sjede i dogovaraju se treba pohvaliti. Ali, nas interesuje ko je u institucijama bio dužan da reaguje kada je presuda preko Monike (Monika Mijić, za-

stupnica Vijeća ministara BiH pred Evropskim sudom za ljudska prava) došla u jedno pa u drugo ministarstvo. Da li je to ministarstvo predložilo zakon, pa da li je taj ministar dao u ministarsko vijeće, pa da li je ministarsko vijeće stavilo na dnevni red i da li je dalo u Parlament, pa da li je predsjedavajući Parlamenta dao na glasanje... Kako će se glasati, negativno ili pozitivno, to nas ne interesuje. Da li je neko to objavio ili nije, ni to nas ne interesuje. Mi tražimo nečinjenje, ko nije ništa učinio da dođe do ovoga, a očigledno se čeka već četiri godine...

Novinarka BHT1: To će trajati.

Goran Salihović: Pa vidjet ćemo, možda...

Novinarka BHT1: Šta se čekalo?

Goran Salihović: Ne znam ja šta se čekalo. Međutim, moramo biti realni...

Novinarka BHT1: Mislim sa is-



tragama šta se čekalo?

Goran Salihović: Čekali smo da vidimo hoće li postojati volja da se to uradi. Imamo 82 presude Ustavnog suda BiH koje se nisu izvršile. Tako da mi jednostavno na ovaj način potičemo one koji su dužni da predlože, da usvoje tu izmjenu zakona ili drugih zakona, da to i urade, samo da rade svoj posao. Kakva će biti ta odluka, kako će Parlament glasati, to nas ne interesuje jer nemamo pravo da se u to miješamo. Ali, ako neko drži u ladici..., recimo primjera radi, usvojili ste čitav zakon i sad treba da se prihvati to što je naložio Ustavni sud, da se objavi zakon u Službe-

nom glasniku, a premijer vas nazove i kaže: „Nemojte to da objavljujete!“, i to stoji u ladici godinu dana pa se zakon, odnosno ustavna odluka ne implementira. Znači tog krivca mi tražimo! Mislim da sam jasan.

Novinarka BHT1: Postoje li možda predistražne ili istražne radnje, vezano za indicije organizovanim odlascima naših građana na sirijsko ratište?

Goran Salihović: Ja pozdravljam ovaj zakon da naši građani ne učestvuju na bilo kojem ratištu. Ali, u suštini, na svakom građaninu i pojedincu je šta u životu radi.

Novinarka BHT1: Koliko je Tužilaštvo BiH pokrenulo slučajeva po službenoj dužnosti za vrijeme vašeg mandata, a na osnovu istraživanja medija o nekim koruptivnim djelima?

Goran Salihović: Imali smo jedan vrlo efekatan primjer. Radi se o ratnom zločinu u Banovićima. Federalna televizija je objavila snimak gdje je počinjen zločin nad srpskim življem i mi smo skinuli taj snimak, uradili smo istragu i došli do optužnice za neka četiri mjeseca. To je jedan primjer i inače, ja često Borisu kažem: „*Skini mi to sa televizije, sa radija, iz novina, pogledaj to!*“, tako da su mediji sigurno jedan od izvora koji možemo koristiti.

Novinarka BHT1: Hoće li u 2014. biti prioritetan rad na predmetima organizovanog kriminala, korupcije, ratnih zločina, ili planirate i nešto drugo?

Goran Salihović: Vidite, organizovani kriminal i terorizam, mislim da smo u tom dijelu dobri, kad pogledamo predmet „Turković“ što se završio, „Lutka“ itd. Mislim da će biti težište na korupciji, pokušat ćemo da uradimo koliko možemo na tom polju sa svojim kapacitetima i sa svojom nadležnošću. Problem je što su nekad Tužilaštvu BiH vezane ruke u nadležnosti, recimo primjer „Budimira“ ili bilo

koji drugi primjer koji sam naveo maloprije. Staviti ćemo težište sigurno na korupciju, vidjet ćemo šta ćemo dobiti. Te istrage su zahtjevne, teške, i dok sam ja tu nikad nikome nećemo nešto stavljati na teret ako za to nemamo dokaza, u to budite sigurni. Neće biti montirani procesi!

Novinarka BHT1: Jeste li lično zadovoljni rezultatima u 2013?

Goran Salihović: Nisam zadovoljan, mislim da bi ovi rezultati mogli biti bolji. Međutim, kada sam letimično bacio oko od 2003. do 2013. godine, znači za ovih 10 godina, ipak smo u prošloj godini uspjeli da postignemo najbolji rezultat tako što smo optužili 435 lica. Nikad za ovih 10 godina nije bilo više optužnica, odnosno optuženih lica, nego u 2013. godini. Tako da je to, po mom mišljenju, veliki rezultat. Ali, ni u kom slučaju nisam zadovoljan. Mislim da mi tek u ovoj godini možemo očekivati bolje rezultate, u segmentu ratnih zločina i u segmentu organizovanog kriminala, privrednog kriminala i korupcije. Kad sam došao ovdje, moj prioritet je bio ratni zločin. Mislim da je to i sad po svemu najveći prioritet. Istini za volju, mi polako odvajamo određene kapacitete i za ovaj drugi dio pa ćemo moći i tu imati određenih rezultata. Isto tako, apelujem i na entitetska tužilaštva da pokušaju preuzeti određene predmete i određene istrage u pogledu korupcije. Ima tu dosta posla za sve nas, tako da ćemo ih mi s naše strane sigurno podržati koliko možemo.

Novinarka BHT1: Gospodine Salihoviću, hvala vam na vremenu izdvojenom za Televiziju Bosne i Hercegovine.

Goran Salihović: Hvala i vama.



■ Glavni tužilac Salihović i Nj.E. Rami Rexhepi, ambasador Republike Makedonije u Bosni i Hercegovini, novembar 2013. godine

Diplomatski CD kutak



■ Glavni tužilac Goran Salihović i Nj. E. ambasador Italije Ruggero Corrias, novembar 2013. godine



■ Delegacija tužilaca iz Republike Albanije, koju je predvodio glavni tužilac Adriatik Llalla, u posjeti Tužilaštvu BiH, januar 2014. godine



■ Glavni tužilac Salihović i ambasadorica Kraljevine Norveške, Nj. E. Vibeke Lilloe, januar 2014. godine



■ Delegacija Pravosudne službe Kenije posjetila Tužilaštvo BiH, januar 2014. godine



■ Posjeta visoke delegacije pravosuđa Republike Turske, novembar 2013. godine



■ Susret glavnog tužioca i ambasadorice SR Njemačke u BiH, Nj. E. Marije Ulrike-Knotz, april 2013. godine



■ Susret glavnog tužioca sa ambasadorom Republike Austrije u BiH, Nj. E. Donatusom Kockom u aprilu 2013. godine



■ Posjeta šefice Ureda Vijeća Evrope u BiH, Mary Ann Hennessey, februar 2014. godine



■ Posjeta ambasadora Kraljevine Švedske, Nj. E. Booma Williama Hedberga, april 2013. godine



■ Posjeta ambasadora Švicarske Konfederacije u BiH, Nj. E. Andrea Schallera, juni 2013. godine



■ Posjeta ambasadora SAD-a, Nj. E. Patricka Moona, august 2013. godine



■ Posjeta ambasadora Republike Češke u BiH, NJ. E. Tomáša Szunyoga, februar 2014. godine



■ Sastanak sa ambasadorom Velike Britanije, NJ. E. Nigelom Caseyem, juni 2013. godine



■ Sastanak sa ambasadorom Republike Francuske, NJ.E. Rolandom Gillesom, mart 2013. godine



■ Posjeta delegacije ambasadora lokalitetima ekshumacija Tomašica i Buća Potok



Dužnosnici koji su posjetili Tužiteljstvo BiH



■ Sastanak sa članom Predsjedništva BiH, Željkom Komšićem, travanj 2013. godine



■ Sastanak sa ministrom unutarjih poslova FBiH, Predragom Kurtešom, svibanj 2013. godine



■ Zamjenik glavnog tužitelja i šef Posebnog odjela za organizirani kriminal, gospodarski kriminal i korupciju, Božo Mihajlović, u razgovoru sa ekspertima međunarodne konzultantske agencije iz Velike Britanije, koja radi na procjeni postojećih kapaciteta Tužiteljstva BiH, kao i mogućnostima jačanja i izgradnje kapaciteta Tužiteljstva



■ Sastanak sa izaslanstvom Vijeća ministara BiH, ministrima sigurnosti, vanjske trgovine i ekonomskih odnosa - Fahrudinom Radončićem i Mirkom Šarovićem, travanj 2013. godine



■ Glavni tužitelj i predstavnici Evropskog povjerenstva u obilasku kapaciteta i prostora u kojem će biti smještena zasebna zgrada Tužiteljstva Bosne i Hercegovine



Вијести

Министарство безбједности донирало девет возила Тужилаштву БиХ

Главни тужилац Тужилаштва БиХ, Горан Салиховић, састао се с министром безбједности БиХ, Фахрудином Радончићем поводом примопредаје девет возила, које је Министарство безбједности БиХ донирало Тужилаштву БиХ.

Састанку је присуствовао и предсједник ВСТС-а БиХ, Милорад Новковић.

Возила су потребна Тужилаштву БиХ због повећања обима послова на терену, нарочито у активностима координације процеса ексхумација које се одвијају на неприступачним теренима у свим крајевима БиХ, као и у раду истражилаца и стручног особља које у сврху провођења истражних радњи мора често излазити на терен ради испити-

вања свједока, прикупљања доказа и других активности.

Возила су кориштена, али су у врло добром стању, а донацијом наведених возила ће се остварити значајне уштеде новца намијењеног за трошкове путовања.

Главни тужилац се захвалио министру Радончићу на урученој донацији која ће помоћи у раду и јачању капацитета Тужилаштва БиХ.

Тужилаштво БиХ и Министарство безбједности БиХ већ дуже од 10 година остварују значајну сарадњу у процесу успостављања владавине права, борбе против различитих облика криминала, те стварању безбједнијег окружења за живот свих грађана Босне и Херцеговине. ■



Drugi o nama

PRESS CLIPPINGS

Глас Српске

Салиховић Рекордан број оптужених

САРАЈЕВО - Тужи-
лаштво БиХ је у 2013.
години подигло оптуж-
нице против 469 лица,
што је највећи број оп-
тужених током једне го-
дине од његовог
оснивања, рекао је гла-
вни тужилац БиХ Го-
ран Салиховић у
разговору са делегаци-
јом тужилаца из Албан-
ије, пренијела је Срна.



Глас Српске



Мидхат Османовић из Странке за БиХ ухваћен на дијелу

Посланик ухапшен због примања мита

ТУЗЛА - Посланик Стран-
ке за БиХ у Парламенту ФБиХ
Мидхат Османовић ухваћен је
јуче због сумње да је узео
20.000 марака мита, сазнаје
"Глас Српске".

Османовића су ухватила
припадници Државне агенције
за истрагу и заштиту БиХ (СИ-

РА) по налогу Тужилаштва
БиХ. Османовића, СИРА
је у акцији "Партнер" ухапсила
и директора Завода здравственог
осигурања Тузланског
кантона Велица Торића, који
је такође кадар СБиХ.

Извор близу истраге је
рекао да је Османовић ухап-
шен у хотелу "Тузла" у Тузли
приликом примопредаје мита
од 20.000 КМ. Наводно су
биле омишане, а особа која је

УХАПШЕН И ВЕЛИД ТОРИЋ

Османовића дала изјаву сара-
ђивала је с полицијом. У
Тужилаштво су, након што је
ухваћено једно лице из оснoву
сазнања Обавјештајно-безбед-
носне агенције БиХ.

- О. М. се сумњичко за узи-

мање мита ради рјешавања ри-
дике статуса и запосленост - ка-
зали су у Тужилаштво.

Шеф Клуба посланика
СБиХ у Парламенту ФБиХ
Омер Ватрић рекао је да је из-
ненађен хапшењем.

- Посланици измунули га
не штити од кривичног
гонена - каже члан Мандат-
но-имунитетске комисије Ир-
фан Ајазовић.

Н.Т. - Ж.Д.

Дневни
list

Podignuta najveća optužnica za organiziranje i finansiranje kriminala u posljednjoj BiH



Organiziranim kriminalom i utajama poreza došli do 10 milijuna maraka

Optužene osobe, njih 23, terete se da su u prošlim vremenskim razdobljima, djelujući kao organizirana organizacija, izvršile porezne utaje i nezakoniti poslati PDV-a u iznosu od oko 10 milijuna maraka, pričinivši je u Tužilaštvu BiH

Organiziranim kriminalom i utajama poreza došli do 10 milijuna maraka
Optužene osobe, njih 23, terete se da su u prošlim vremenskim razdobljima, djelujući kao organizirana organizacija, izvršile porezne utaje i nezakoniti poslati PDV-a u iznosu od oko 10 milijuna maraka, pričinivši je u Tužilaštvu BiH
Tužilaštvo BiH je podiglo najveću optužnicu za organiziranje i finansiranje kriminala u posljednjoj BiH. Optužnica je podignuta protiv 23 osobe, koje se terete da su u prošlim vremenskim razdobljima, djelujući kao organizirana organizacija, izvršile porezne utaje i nezakoniti poslati PDV-a u iznosu od oko 10 milijuna maraka, pričinivši je u Tužilaštvu BiH
Optužnica je podignuta protiv 23 osobe, koje se terete da su u prošlim vremenskim razdobljima, djelujući kao organizirana organizacija, izvršile porezne utaje i nezakoniti poslati PDV-a u iznosu od oko 10 milijuna maraka, pričinivši je u Tužilaštvu BiH
Optužnica je podignuta protiv 23 osobe, koje se terete da su u prošlim vremenskim razdobljima, djelujući kao organizirana organizacija, izvršile porezne utaje i nezakoniti poslati PDV-a u iznosu od oko 10 milijuna maraka, pričinivši je u Tužilaštvu BiH

BLIC

Sreda 15. januar 2014.

BLIC 3

NAJVEŠE OPTUŽNICA U 2013.

Tužilaštvo BiH je u 2013. podiglo optužnice protiv 469 osoba, što je najveći broj optužnica tokom jedne godine. OD OSNOVAJA
TUŽILAŠTVA, rekao je glavni tužilac BiH Goran Salihović.



NEZAVISNE

DANI



TUŽILAŠTVO BiH Optuženo 469 osoba

SARAJEVO - Tužilaštvo BiH je u 2013. godini podiglo optužnice protiv 469 lica, što je najveći broj optuženih tokom jedne godine od osnivanja Tužilaštva, rekao je Goran Salihović, glavni tužilac BiH, u razgovoru sa delegacijom tužilaca iz Albanije. Na sastanku je bilo riječi o saradnji u borbi protiv međunarodnog krijumčarenja droge i u borbi protiv drugih oblika kriminala. (Sma)



Goran Salihović,
glavni tužilac
Tužilaštva BiH

Poslije objave spiska dužnika

Tužilaštvo BiH u zaštiti države

Tužilaštvo BiH je po nalogu glavnog tužioca Gorana Salihovića 14. januara formiralo tim tužilaca koji će provesti intenzivne provjere o dugovanjima za porez na dodanu vrijednost (PDV) za oko 1.970 firmi u BiH. U saopštenju iz Tužilaštva BiH se navodi kako se želi utvrditi postoje li elementi za krivično gonjenje osoba odgovornih za porezne utaje i neplaćanje poreza. Tužilaštvo BiH se na ovo odlučilo nakon objelodanivanja liste poreznih dužnika, koji duguju oko 269 miliona KM po osnovu poreza, carina i akciza, a iz ove pravosuđne institucije su kazali kako će od Uprave za indirektno oporezivanje BiH (UIO) zahtijevati detaljne podatke i izvještaje o poreznim dužnicima, radi utvrđivanja eventualne krivi-

čne odgovornosti. Iz Tužilaštva BiH su podsjetili da neplaćanje poreza predstavlja krivično djelo, a višemilionska dugovanja udar na ekonomski i privredni sistem BiH, te život svih bh. građana.

Međutim, kao što je u prošlom broju *Dana* kazao i ekonomski analitičar Goran Nedić, u startu treba jasno razdvojiti dvije kategorije dužnika - prve koji su utajom došli do novca i svjesno počinili u krivično djelo i druge koji uslijed nelikvidnosti nisu u stanju svoje obaveze izvršavati svoje obaveze na vrijeme.

Goran Salihović, glavni tužilac Tužilaštva BiH, za *Dane* kaže: "Mislim da ovim možemo potaći sve da ovu temu ozbiljnije shvate s obzirom na to da je riječ o krivičnim djelima, ako se utvrdi da postoji krivična odgovornost.

Nakon što dobijemo izvještaj od UIO BiH vidjećemo da li ima elemenata za pokretanje krivičnog postupka. Krenućemo s ovim, imamo dobru volju da zaštitimo državu. Što se Tužilaštva BiH tiče, osnov svega je da država naplati ono što je njeno."

Salihović je istaknuo i to da će se utvrđivati zašto porez nije plaćen, a tu je jedno od ključnih pitanja je li riječ o krivičnom djelu ili nelikvidnosti preduzeća? Iz UIO BiH su u novembru 2013. saopštili da je od početka primjene Zakona o PDV-u BiH (1. januar 2006.), dug po osnovu prijavljenog, a neuplaćenog PDV-a sa teretom naknadne prinude iznosio 789 miliona KM. Od ukupnog dugovanja naplaćeno je 520 miliona KM, pa dugovanja 9.089 obveznika iznose 269 miliona KM. (ma)

NEZAVISNE

MIDHAT OSMANOVIĆ I VELID TORIĆ, FUNKCIONERI SBiH, OSUMNJIČENI ZA ORGANIZOVANI KRIMINAL

Poslanik uhapšen zbog primanja mita

Zaposlenje: Osmanović osumnjičen i za uzimanje mita od jedne osobe, u iznosu od 20.000 KM, radi rješavanja radnog statusa i zaposlenja, saopšteno iz Tužilaštva BiH

tužilaštva tužilaštva i optužnica, neposredno je iz Tužilaštva BiH.

Nakon saopštenja da je poslanik iz Bratunja optužen za uzimanje mita od jedne osobe, u iznosu od 20.000 KM, radi rješavanja radnog statusa i zaposlenja, saopšteno iz Tužilaštva BiH.

Prilikom primopredaje optužnice poslanik Osmanović je optužen za uzimanje mita od jedne osobe, u iznosu od 20.000 KM, radi rješavanja radnog statusa i zaposlenja, saopšteno iz Tužilaštva BiH.

Osmanović je optužen za uzimanje mita od jedne osobe, u iznosu od 20.000 KM, radi rješavanja radnog statusa i zaposlenja, saopšteno iz Tužilaštva BiH.



U SBiH su poručili da su osuđeni na zatvor poslanici i funkcioneri SBiH, optuženi za organizovani kriminal.

U SBiH su poručili da su osuđeni na zatvor poslanici i funkcioneri SBiH, optuženi za organizovani kriminal.

Osmanović je optužen za uzimanje mita od jedne osobe, u iznosu od 20.000 KM, radi rješavanja radnog statusa i zaposlenja, saopšteno iz Tužilaštva BiH.

OSLOBODENJE



Slučaj Kekećević najveća optužnica u BiH

Kada sam došao na mjesto glavnog tužioca Tužilaštva BiH, očekivao sam predmete o korupciji u ladicama, ali nisam zatekao ništa, rekao je, između ostalog, glavni tužilac Tužilaštva BiH Goran Salihović u intervjuu za politički magazin "Crta" BHT1, javlja Fena.

Na pitanje da li postoji osnova u 2014. da u BiH bude barem jedan predmet Sanader, Salihović je kazao da se upravo predmet Kekećević može tako nazvati zato što se tim predmetom ne okončava istraga, nego daje mogućnost da se ide prema vrhu i prema međunarodnim faktorima. - To je najveća optužnica u privrednom kriminalu u BiH, faktički u historiji Tužilaštva BiH, istakao je Salihović.

Žena koja se "muški" nosi s poslom i životom

35

PORUKA GLAVNOG TUŽITELJA

Dnevni avaz



Salihović: Pred zakonom su svi isti i nema nedodirljivih



Glavni tužitelj Tužiteljstva BiH Goran Salihović odbacio je spekulacije o tome "da je pokretanje istrage za neprovođenje Odluke u predmetu "Sejdić i Finci" predstavlja određenu vrstu pritiska na bh. političke aktore".

- To nije nikakav pritisak, u suštini mi njih pozivamo kao svjedoke da pomognu da, eventualno, dođemo do činjenica o tome ko je, možda, počinio krivično djelo nečinjenjem, odnosno spriječio da se izvrše određene odluke - kazao je Salihović danas novinarima u Sarajevu, podsjećajući da se ne radi samo o Odluci u predmetu Sejdić i Finci te da postoje i 72 odluke Ustavnog suda koje se ne implementiraju u Parlamentu.

Odgovarajući na novinarski upit u vezi sa navodnim "pritiskom" na bh. političare, glavni tužitelj je istaknuo da namjera Tužiteljstva nije ni u kom slučaju da vrši pritisak, a kamoli da nekome sugerira kako će glasati u Parlamentu.

- Oni mogu da glasaju kako žele, to je njihovo, ali nas interesuje samo da li je postojalo u tom lancu ko je i kada bio dužan, da li je i kako je implementirao, odnosno da li je to neko ostavio u ladici, primjera radi, da se nikada ne objavi neki zakon. Znači nas interesuje nečinjenje i pozivanje određenih osoba je u svrhu da se pomogne da, eventualno, otkrijemo krivično djelo - pojasnio je Salihović.

Dodao je da ne vidi razloga za nezadovoljstvo određenih ljudi u Parlamentu, podsjećajući da smo "svi pred zakonom isti, te da nema nedodirljivih".

OSLOBODENJE



Salihović: Pred zakonom su svi isti i nema nedodirljivih

Glavni tužitelj Tužiteljstva BiH Goran Salihović odbacio je spekulacije o tome "da je pokretanje istrage za neprovođenje Odluke u predmetu "Sejdić i Finci" predstavlja određenu vrstu pritiska na bh. političke aktore".



Goran Salihović

- To nije nikakav pritisak, u suštini mi njih pozivamo kao svjedoke da pomognu da, eventualno, dođemo do činjenica o tome ko je, možda, počinio krivično djelo nečinjenjem, odnosno spriječio da se izvrše određene odluke - kazao je Salihović danas novinarima u Sarajevu, podsjećajući da se ne radi samo o Odluci u predmetu Sejdić i Finci te da postoje i 72 odluke Ustavnog suda koje se ne implementiraju u Parlamentu.

Odgovarajući na novinarski upit u vezi sa navodnim "pritiskom" na bh. političare, glavni tužitelj je istaknuo da namjera Tužiteljstva nije ni u kom slučaju da vrši pritisak, a kamoli da nekome sugerira kako će glasati u Parlamentu.

- Oni mogu da glasaju kako žele, to je njihovo, ali nas interesuje samo da li je postojalo u tom lancu ko je i kada bio dužan, da li je i kako je implementirao, odnosno da li je to neko ostavio u ladici, primjera radi, da se nikada ne objavi neki zakon. Znači nas interesuje nečinjenje i pozivanje određenih osoba je u svrhu da se pomogne da, eventualno, otkrijemo krivično djelo - pojasnio je Salihović.

Dodao je da ne vidi razloga za nezadovoljstvo određenih ljudi u Parlamentu, podsjećajući da smo "svi pred zakonom isti, te da nema nedodirljivih".

Dnevni avaz

Glavni tužilac Salihović prilikom posjete UIO najavio

Uskoro osnivanje 'malog USKOK-a'

Tužilaštvo BiH neophodna pomoć eksperata iz UIO

Glavni tužilac BiH Goran Salihović najavio je jutro u Banjoj Luci osnivanje posebnog tima u BiH, po uzoru na hrvatski USKOK, te sklanjanje istraga protiv nekih od velikih poreznih dužnika u BiH.

On je izjavio u direktnom Upravi za budžetno oporavak (UIO) BiH. Međim, Diskusijom nagovještio o prilikama i izjavio da se je UIO predložio Tužilaštvu BiH, a u budžetu postoji osnova namjene da na području krivičnih djela na oblasti izvršavaju posao. Tužilaštvo je podnio da oti-



Diskusija i Salihović: Osnovni istrage protiv dužnika

2.000 firmi u BiH doprinose ukupno 300 miliona KM u porezu, te su se trebale angažirati da se otkriju dostojni krivični poslovi. - Razmišlja se o tome kao bi

Uprava dala tu nadležnost Tužilaštvu BiH. To bi bio mali USKOK, po ugledu na Hrvatsku - kazao je Salihović. Objavio je da tužilaštvo, kao preduzetnik, ima posebnu važnu u oblasti poslova te bi im u tom segmentu pomogli eksperti UIO BiH. Direktor UIO BiH izjavio je da se ne dovodi u pitanje saradnja s Tužilaštvom BiH.

Uprava se opredijelila za saradnju s Tužilaštvom u borbi protiv svih vidova krivičnih i koruptivnih, kao i poravnata odgovornosti u UIO BiH - izjavio je Diskusija. B. SPASANOVIĆ

KONTAKT TUŽITELJSTVA-TUŽILAŠTVA BOSNE I HERCEGOVINE

Tužiteljstvo-Tužilaštvo BiH
Kraljice Jelene 88
71000 Sarajevo
Bosna i Hercegovina

tel.: +387 33 707 200
fax.: +387 33 707 463
e-mail: info@tuzilastvobih.gov.ba

www.tuzilastvobih.gov.ba

Copyright
Tužiteljstvo-Tužilaštvo BiH 2014.

Dizajn: Besim Vučijak
besim.vucijak@gmail.com